



Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018

## Su schisòrgiu de su casteddu de Burgos

Me in su casteddu de Burgos ddoi est unu grandu schisòrgiu, ma nemus ddu podit tocai ca est custoidu de Don Blas de Aragona, ca est un'òmini mannu ca parit su dimòniu.

Una diri unu pastori, in s'interis ca fiat pascendu cun su bestiàmini, at apubau su schisòrgiu e at avisau su retori (su predi de sa crèsia locali). Su retori paris cun un àteru predi ant pentzau de andai a ndi pigai su schisòrgiu, ant bitiu su liburu contra su tiàulu e funt artziaus a su casteddu. Candu funt lòmpius apitzus funt intraus in una gruta e ant biu unu muntoni de oru, ma in cussu momentu est aparèssiu Don Blas De Aragona. Intzandus is predis ant incumentzau a ligi su liburu ma Don Blas at ghetau fogu e is ddus predis funt mortus abruxaus.

## Su fossu de is sposus

Ddus sposus innantis de s'acabu de s'annu de su sposòriu (in sa zona de Nùgoro ddoi est sa costumàntzia de si cojai e aintru de s'acabu de s'annu de sa coja a fai su biàgiu de cojantza in unu santuàriu innui s'afestat unu santu in cussas diris) fiant andendu a cuaddu a Santu Frantziscu de Lula po sa festa de maju (sa crèsia de Santu Frantziscu est acanta de Lula ma appartenit a Nùgoro, e inni dònna annu si faint duas festas, de su 31 de su mesi de abrili a su 10 de su mesi de maju, e su 4 de su mesi de ladàmini, ddoi andat genti meda e in sa primu festa sa genti abarrat fintzas a crocai me is domus inni acanta).

Is sposus, cument'est costumàntzia, bitiant in sa bèrtula sa canistedda, innoi aintru nci fiant su tratabucu e sa posada ca depiant cumbidai a su Santu. Sa cumpangia de is festizadoris fiat manna, ddoi fiant fintzas is obreris (is obreris de sa festa funi s chi da depint aprontai, giai sempri pobiddu e mulleri), su capellanu e novenantis meda.

Arribaus a sa gruxi a mesu caminu (sa ia fiat longa meda e a mesu caminu si firmànt a si pasiai e a papai unu buconeddu), ndi fiant calaus de cuaddu e iant pràndiu.

Sa priora nd'iat bogau de sa bèrtula totu is provendas, e candu totu sa cumpangia fiat pronta po papai, fiat andada in giru cun su filindeu beneditu (est una calidadi de manestu fata de pillixeddus finis meda ca est benedita de su predi e totus ndi depint tastai). Nemus si podiat refudai de ndi papai o a su mancu de ddu tastai.

Totu sa genti aproviada iat tastau su filindeu cun prexeri, sceti is sposus, candu sa priore ddi ghetat su filindeu beneitu in su pratu non ndi papant e nci-ddus scapat s'arrisu.

Acabau su pràngiu e reposaus is cuaddus, sa cumpangia si ponit in caminu torra. De sa gruxi a pitzus sa ia est mala meda e candu sa cumpangia est passada acanta de su fossu ca oi si narat "de is sposus", is cuaddus de sa cumpangia funt passaus tranquillus, cussu de is sposus (in su pròpriu cuaddu ddoi fiant pobiddu e mulleri) s'est arrannegau e nci at ghetau is sposus in sa trempera. Is sposus funt mortus fragassaus e is concas fun ancoras allogadas in sa crèsia de Santu Frantziscu.

De intzandus cussu fossu at pigau su nònini "de is sposus".